

Javna ustanova Opća bolnica
„Prim. dr. Abdulah Nakaš“
Upravni odbor
Broj: 44-870-179
Sarajevo, 20.09.2023. godine

Na osnovu člana 17. Zakona o javnim nabavkama ("Službeni glasnik BiH" broj: 39/14, 59/22), člana 20. Statuta Javne ustanove Opća bolnica „Prim. dr. Abdulah Nakaš“, člana 7. stav 3. Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i člana 36. Poslovnika o radu Upravnog odbora broj 100-151/21 od 07.10.2021. godine, Upravni odbor na XX redovnoj sjednici održanoj dana 20.09.2023. godine donio je

ODLUKU

o III. Izmjenama i dopunama Plana nabavki Javne ustanove Opća bolnica „Prim. dr. Abdulah Nakaš“ za 2023. godinu

Član 1.

Ovom odlukom Upravni odbor Javne ustanove Opća bolnica „Prim. dr. Abdulah Nakaš“ utvrđuje III. Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2023. godinu, kao u prilogu.

Član 2.

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2023. godinu broj 44-870-113/23 od 11.05.2023. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2023. godinu.

Član 3.

Odluka stupa na snagu danom donošenja a ista će, zajedno sa III. Izmjenama i dopunama Plana nabavki, biti objavljena na Portalu javnih nabavki i na internetskoj stranici Javne ustanove Opća bolnica „Prim. dr. Abdulah Nakaš“ (www.obs.ba).

O b r a z l o ž e n j e

Odlukom o utvrđivanju Plana nabavki Javne ustanove Opća bolnica „Prim. dr. Abdulah Nakaš“ za 2023. godinu broj 44-870-113/23 od 11.05.2023. godine, Upravni odbor Javne ustanove Opća bolnica „Prim. dr. Abdulah Nakaš“ utvrdio je Plan nabavki Javne ustanove Opća bolnica „Prim. dr. Abdulah Nakaš“ za 2023. godinu.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje se nisu mogle predvidjeti u vrijeme donošenja Plana nabavki, ali je došlo i do izmjena pojedinih stavki osnovnog Plana nabavki u dijelu koji se odnosi na vrstu predmetna nabavke kao i na procijenjenu vrijednost nabavke i slično, te je iz tog razloga utvrđena III. Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2023. godinu.

Naime, radi se o sljedećem:

1. Nakon razmatranja pojedinih stavki iz osnovnog Plana nabavki za 2023. godinu došlo se do zaključka da se pojedine stavke u tekućoj godini neće nabaviti, te se od pojedinih nabavki odustalo, a za ranije odobrena finansijska sredstva nabavit će se nove robe koje su neophodne za neometan rad pojedinih odjeljenja/odsjeka. Radi se o stavkama 1. i 23. III. Izmjena i dopuna Plana nabavki za 2023. godinu
2. Kod stavki od 2 do 8 i kod stavki od 10 do 11. III. Izmjena i dopuna Plana nabavki za 2023. godinu radi se o stavkama koje su ranije uvrštene u osnovni Plan nabavki za 2023. godinu, ali je od momenta ispitivanja tržišta u novembru mjesecu 2022. godine koje je vršeno za pripremu Plana nabavki za tekuću godinu, do momenta usvajanja izmjena i dopuna Plana nabavki došlo do povećanja cijena na tržištu, te se navedene stavke nisu ranije mogle realizovati.
3. Stavka 9. se briše iz osnovnog Plana nabavki za 2023. godinu

4. Iz stavke 13. koja je navedena u III. Izmjenama i dopunama Plana nabavki briše se jedna pozicija koja je izdvojena kao zasebna cjelina i uvrštena u stavku 12. izmjena i dopuna Plana nabavki. Sredstva za ovu nabavku su ranije odobrena i to usvajanjem I. Izmjena i dopuna Plana nabavki za 2023. godinu, tako da se u ovim izmjenama i dopunama sredstva ne odobravaju.
5. Stavka 14 - zbog nemogućnosti servisiranja aparata na Odsjeku za nuklearnu medicinu, jer je dolazak serviser neizvjestan iz razloga što bi isti trebao doći iz Italije, pojavila se potreba za nabavkom novog aparata kako bi Odsjek za nuklearnu medicinu mogao neometano raditi i pružati usluge pacijentima koji trebaju ovu uslugu.
6. Stavka 15 - Opća bolnica je u prethodnom periodu provela postupak nabavke opreme za Vešeraj i Kuhinju iz sredstava finansiranih od strane Ministarstva zdravstva Kantona Sarajevo. Obzirom da se prilikom provođenja ove nabavke nije vršila nabavka usluga za instaliranje opreme niti je ista planirana kroz nabavku roba, to se javila potreba za istom iz razloga što se bliži rok isporuke opreme za Vešeraj i Kuhinju.
7. Stavke od 16 – 22 i stavke 24 i 25 su stavke koje do sada nisu predviđene niti usvojenim planovima nabavki niti njihovim izmjenama, a potreba za ovim stavkama se javila kroz rad sa pacijentima pojedinih odjeljenja/odsjeka, tako da ih je bilo potrebno uvrstiti u izmjene i dopune Plana nabavki kako bi odjeljenja/odsjeci mogli funkcionisati neometano.

Imajući u vidu naprijed navedeno, odlučeno je kao u dispozitivu.

PRIPREMILA:

Amira Petrović, BA općeg prava, šef Odsjeka za javne nabavke

DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- Odsjek za javne nabavke



Predsjednik Upravnog odbora

Prim. dr. Sead Željo